



Universitätsbibliothek Paderborn

Joannis Commirii E Societate Jesu Carminum Libri Tres

Commire, Jean

Lutetiæ Parisiorum, 1678

Ad III. V. Ludovicum Henricum Lomenium Briennae Comitem. De Tachylla
equa ab eo venustissimis versibus celebrata. Ode XXIX.

urn:nbn:de:hbz:466:1-14818

Versans ; ut calidum obbibet çruorem !
 Unco deinde trahens cadaver ungui
 Auræ ludibrium dabit : vel ipsum
 Formicis , tineisque , vermibusque ,
 Belli materiam gravis relinquet.
 At hoc interea cicada carmen
 Alludens canet. Improba illa musca ,
 Quæ turbaverat omnibus quietem ,
 Nec cum vivere desit , quiescit.

AD ILL. V.

LUDOVICUM HENRICUM LOMENIUM

BRIENNÆ COMITEM.

De Tachylla equa ab eo venuſiſſimis versibus celebrata.

ODE XXXIX.

AD E S T E alipedes equæ quot estis ,
 Seu vos Thracia Theſſalaque valles ,
 Seu vos Ausonia Appulique campi ,
 Seu tulit Libye , Tagusve ripis
 Vedit aurifer anteire cursu
 Parentis Zephyri leves volatus :
 Mei cedite Lomeni Tachyllæ ,
 Heri deliciis sui Tachyllæ .
 Cui nec cedere , qui polo gemellum
 Tulit Castora , Cyllarus recuset ;
 Nec cognomine qui sepultus urbe
 Victor sub domini jacet trophæis ;
 Nec qui marmorea superbis aula
 Et præsepibus aureis , tumensque
 In ostro trabeaque , consulares

Aa ii

Tantum non meruit notare fastos
 Cæsar is socius , caputque mundi
 Vedit pene suis regi lupatis.
 Regum dignior est Tachylla amore ,
 Regum dignior est Tachylla honore :
 Nam sub quadrupedis tegit figura
 Mentem , quæque potest amore duci ,
 Dato quæque potest honore fungi.
 Quippe heri placidos heræque mores
 Dum felix equa discit æmulari ;
 Seque dedidicit suosque mores.

Hanc ne tollere mors avara possit
 Æternas memori Brienna versu ,
 Quo cani velit Issa Martialis ,
 Et passer teneri jocus Catulli.
 Nam Verona licet , suoque vati
 Favens Bilbilis abnuat fateri :
 Tantum judice me tibi Catullus ,
 Tantum cesserit ipse Martialis ;
 Quantum passer equæ & catella cedit.

AD TACHYLLAM POETRIAM ,
Cum Tachyllæ nomine versus à nonnullis scripti essent.

O D E X X X .

O HE jam satis est , ohe Tachylla.
 Inepte facis & parum modeste ,
 Quæ te vis etiam inseri poetis.
 Hoc nec Pegasus expetivit unquam :
 Quamvis incola municepsque Pindi
 Non semel folium sacræ momordit
 Laurūs , atque suam fiticulosis